

आकाशवाणी

- सरकार नै 2025-26 बरे लेई उज्जवला योजना तैहत रसोई गैस सिलेंडर दी सब्सिडी आस्तै 12 हजार करोड़स रपे मंजूर कीते न।
- भारतीय रेलवै नै एशिया दी सारे शा लम्मी माल गड्डी रुद्राश्ट्रा गी परिक्षण दे तौरा पर चलाइयै दिक्खेया ऐ।
- दिल्ली विधानसभा नै स्कूल फीस विनियम बिल 2025 गी पास करी दिता ऐ जेदे तैहत विद्यार्थिये दे माता-पिता गी फीस गी बदाने सरबन्धी फैसले च विटो-शक्तियां दितियां गेइयां न तां जे इस गल्ला गी यकीनी बनाया जाई सके जे स्कूल प्रबंधन फीस बदाने च इक तरफा फैसला नैई लेई सकन।
- मुख्य अज्ज रक्खड़ी दा त्योहार मना करदा ऐ। राष्ट्रपति द्रौपदी मुर्मू होंरें महिलायें दे अधिकार ते एकता बारे जोर पाया।
- ते अमरीका दे राष्ट्रपति डोनाल्ड ट्रम्प होंरें आक्खेया जे ओ 15 अगस्त गी अलास्का च रुस दे राष्ट्रपति ब्लादीमीर पुतिन हुंदे कन्नै मलाटी करगंन।

<><><><><><>

Ujjawala Yojana

सरकार नै प्रधानमंत्री उज्जवला योजना तैहत चुने गेदे उपभोक्ताएं गी दिती जाने आली सब्सिडी गी 2025-26 बरे लेई बी जारी रक्खने दा फैसला करदे होई 12 हजार करोड़ रपे मंजूर कीते न। प्रधानमंत्री नरेन्द्र मोदी हुंदी अध्यक्षता च होई दी मंत्रीमंडल दी बैठक च लैते गेदे फैसले बारे नर्मो दिल्ली च समाचार माध्यमें आलें गी जानकारी दिंदे होई सूचना ते प्रसारण मंत्री अश्विनी वैष्णव होंरें आक्खेया जे इस योजना तैहत 10 करोड़ 33 लक्ख घर-परिवारें गी फायदा पुज्जोग। योजना तैहत सरकार इक बरे च 9 बारी तोड़ी रसोई गैस सिलेंडर गी भरने उप्पर 3 सौ रपे दी सब्सिडी देग।

सरकार नै सार्वजनिक क्षेत्र दिये त्रौने तेल कम्पनिये IOCL, BPCL ते HPCL गी 30 हजार करोड़ रपे दे मुआवजे दी मंजूरी दिती ऐ। ए मुआवजा घरेलू गैस सिलेंडर दी बिक्री मगरा होने आली घट्ट वसूली दी एवज च दिता जा रदा ऐ। उने आखेया जे तेल कम्पनिये गी मुआवजे दी बंड पेट्रोल ते कुदरती गैस सरबन्धी मंत्रालय 12 किशते च करोग। श्री वैष्णव हरे जानकारी दिती जे सरकार नै तकनीकी शिक्षा योजना च शिक्षा त शोध सुधार गिते बजट दी सहायता दे रुपे च 4 हजार 2 सौ करोड़ रपे दी मंजूरी दिती ऐ। उने आखेया जे इस योजना तेहत सहायता लेई 275 सरकारी दे गैर -सरकारी संस्थाने गी चुने जाने दी मेद ऐ। मंत्री हरे आखेया जे सरकार नै असम ते त्रिपुरा लेई विशेष विकास पैकेज च मौजूदा केन्द्रीय योजनाएं तेहत 4 हजार 250 करोड़ रुपे दे बजट कन्ने 4 नमे बिंदु जोड़े न। उने आखेया इने राज्ये च मूल ढांचे दे विकास च तेजी औग ते रोजगार दे नमे मौके पैदा होगन। श्री वैष्णव हरे जानकारी दिती ऐ जे सरकार नै तमिनाडू च पुडुचेरी थमां माराकनम बशकार 2 हजार 157 करोड़ रपे दी लागत कन्ने 4 लेन आली राष्ट्रीय जरनेली सिडक बनाने दी मंजूरी दिती ऐ।

<><><><><><>

#### Railway Trail Run

रेलवे नै साइडे 4 किलोमीटर लम्मी माल गड्डी रुद्राश्ट्र दा सफल परिक्षण करिये इक बड्डी सफलता हासल कीती ऐ। रेलमंत्री अश्विनी वैष्णव हुंदे मुजब ए एशिया दी सब्भने थमां लम्मी माल-गड्डी ऐ। परिक्षण दौरान इस माल गड्डी नै उत्तर-प्रदेश च चंदौली दे गंजख्वाजा रेलवे स्टेशन थमां झारखंड दे गड़वा बशकार दी 209 किलोमीटर दी दूरी 5 घंटे 10 मिनट च तय कीती।

<><><><><><>

#### Delhi School Fees

दिल्ली विभान सभा नै स्कूल फीस विनियमन विधेयक 2025 पारित कीता ऐ। इसदा मकसदा दिल्ली दे गैर-सरकारी स्कूलें च मनमाने तरीके कन्ने फीस गी बदाने पर रोक लाना ऐ। इसदे मंजूर होई जाने कन्ने हून दिल्ली दे इये नेह स्कूलें दी फीस च बाददे आस्तै बच्चें दी अभिभावकें दी मंजूरी लेनी लाजमी होग।

दिल्ली दे शिक्षा मंत्री आशिष सूद होरें विधानसभा च आक्खेया जे जेकर इक बी अभिभावक फीस च बाददा करने आस्तै सैहमत नैई होग तां फीस च बाददा नैई होग ते उसी मंजूर नैई कीता जाग। दिल्ली स्कूल शिक्षा फीस निर्धारण ते विनियमन च पारदर्शिता विधेयक-2025 मुजब मनमाने ढंग कन्नै फीस बदाने आलें स्कूलें पर जुर्माना लाया जाई सकदा ऐ ते उन्द थमां भविक्ख च फीस बदाने दा प्रस्ताव देने दा अधिकार बी लैता जाई सकदा ऐ।

<><><><><><>

RS-Man Ki Baat

आकाशवाणी दे मन की बात कार्यक्रम राएं हूने तक्कर 34 करोड़ रुपे थमां मता राजस्व हासल होआ ऐ। सूचना ते प्रसारण राज्यमंत्री एल, मुरगन होरें राज्यसभा च ए जानकारी दिती। उनें आक्खेया जे इस महावार रेडियो कार्यक्रम राएं प्रधानमंत्री होरें शिक्षा, सेहत, पर्यारवण, नमिये काइडे ते समाज-सेवा च लग्गे दे भारतीय नागरिकें दी केई सारी प्रेरणादायक कहानियें गी सांझा कीता ऐ। उनें दस्सेया जे मुख्य भरै च खरी मती गिनतरी च लोक मन की बात कार्यक्रम गी सुनदे न। उनें दस्सया यू-ट्यूब ते OTT सनें होरनें डिजिटल मंचें पर बी मन की बात कार्यक्रम गी सुनने आलें गी गिनतरी च बाददा होआ ऐ। ।

<><><><><><>

Raksha Bhandan

देश दे बाकी हिस्सें आहला लेखा। रक्खड़ी दा त्योहार अज्ज जम्मू-कश्मीर च बी चार्ये-चार्ये मनाया जा रदा ऐ। रक्खड़ी दा त्योहार भ्राएं ते भैनें दे कदें नैई टूटने आहले रिश्ते दा प्रतीक ऐ। अज्ज दे दिन भैना अपने भ्राएं दी कलाई उपपर रंग-बिरंगी रक्खड़ी बनदियां न ते उन्दी नरोई सेहत, सुख-शांति ते लम्मी उम्र लेई प्रार्थना करदियां न। एहदे बदले च भ्रां अपनी भैनें दी रक्षा ते समर्थन दा वचन दिन्दे न ते उनेंगी तोहफे दिन्दे न। राष्ट्रपति द्रौपदी मुरमू होरें सब्भनें देशवासियें गी रक्खड़ी दे त्योहार दी मुबारखबाद दिती ऐ। अपने स्नेह च राष्ट्रपति होरें गलाया जे रक्खड़ी दा त्योहार भ्राएं ते भैनें बश्कार प्यार ते भरोसे दा प्रतीक ऐ।

उनें गलाया जे ए त्योहार समाज च एकता ते सदभावना गी बधांदा ऐ। उनें गलाया जे एह त्योहार भारत दी सगुगोसार सांस्कृतिक विरासत ते नैतिक मुल्ले गी संभाली रक्खने दा इक मौका ऐ ते ए महिलायें दी रक्षा, उन्दे सम्मान ते अधिकारे दे प्रति होर मजबूत होने दा सनेया दिन्दा ऐ। उनें लोके गी एक समृद्ध देश दे निर्माण दा संकल्प लैने दा आग्रह किता, जित्थे हर महिला सुरक्षित महसूस करे ते देश दे विकास च योगदान देई सके।

<><><><><><>

#### Trump –Putin Meeting

अमरीका दे राष्ट्रपति डोनाल्ड ट्रम्प ते रूस दे राष्ट्रपति ब्लादिमीर पुतिन 15 अगस्त गी अलास्का च मलाटी करगन। अपने सोशल मीडिया प्लेटफार्म Truth च ट्रम्प होरे दस्सेया जे ओ पुतिन हुंदे कन्ने यूक्रेन युद्ध गी खत्म करने दे जत्ने पर चर्चा करगन। ट्रम्प हुंदी ए घोषणा White House च अरमिनिया ते अजरबेजान बश्कार शांति समझौते दी घोषणा दे किश गे घंटे मगरा आई ऐ। रूस दे राष्ट्रपति हुंदी अमरीका यात्रा लगभग इक दहाके मगरा होआ रदी ऐ। इस दे थमां पैहले पुतिन होरे 2015 च न्यूयार्क च संयुक्त राष्ट्र महासभा च उस्सलै दे अमरीकी राष्ट्रपति बाराक ओबामा हुंदे कन्ने मलाटी कीती ही।

<><><><><><>

#### Uttarakhand Rescue

उत्तराखंड दे उत्तराकाशी जिले च आपदा प्रभावित घराली -हरसिल इलाके च राहत ते बचाव कार्य पूरे जोर-शोरे कन्ने चला रदे न। केन्द्री ते राज्य दियां एजेसियां प्रभाविते गी राहत पजाने दे कन्नो-कन्नी लापता लोके दी तलाश ते बुनयादी जरुरते गी ब्हाल करने लगगी दियां न। तौआई फौज, NDRF, SDRF, पुलस ते मुकामी प्रशासन दे सांझे अभियान च उत्थे फसे दे मुकामी लोके ते यात्रिये गी सुरक्षित बाहर कड्डेया जा रदा ऐ। अजे तोड़ी 629 लोके गी सुरक्षित थाहरे पजाया गया ऐ। महाराष्ट्र एक्सप्रेस राएं आए दे यात्रिये फौज ते राज्य सरकार प्रति आभार प्रकट कीता ऐ।

जिला मैजिस्ट्रेट प्रशांत आर्या हों आक्खेया जे पीढ़ित परिवारें गी फौरी मदाद दे तौरा पर 5-5 हजार रपे दिते गे न। उनें आक्खेया जे नुक्सान बारे ब्योरेबार रिपोर्ट बनाए जाने मगरा जरूरी राहत जारी कीती जाग।

<><><><><><>

IMD Weather

मौसम विभाग नै अज्ज अरुणाचल प्रदेश दे किश हिस्सें च भारी थमां मती भारी बरखा होने दी पेशगोई कीती ऐ। आंध्र-प्रदेश, बिहार, हिमाचल-प्रदेश, जम्मू-कश्मीर, मध्य-प्रदेश, ओड़ीसा, पच्छिम बंगाल, तमिलाडू, पुडुचेरी, कराइकल, तेलंगाना, उत्तर-प्रदेश, उत्तराखंड ते पूर्वोत्तर खिते च बी अगले 2-3 दिनें दौरान भारी बरखा होई सकदी ऐ। बिहार, पच्छिम बंगाल च गंगा दे तटवर्तीय इलाके, जम्मू-कश्मीर ते लद्दाख च केई थाहरे पर अज्जै थमां 14 अगस्त तक्कर गर्ज कन्ने बिजली चमकने ते बरखा होने दी मेद ऐ।

<><><><><><>